

OFFICIUM  
IN FESTO  
S. JOANNIS  
A CRUCE,  
CONFESSORIS.

D U P L E X.

*Omnia tam in Offi. io,  
quàm in Missa de Commu-  
ni Confessoris non Pontifi-  
cis, prater ea, qua se-  
quuntur.*

*In Hymno dic: Meruit  
supremos.*

ORATIO.

**D**EUS, qui Sanctum  
Joannem Confesso-  
rem tuum, perfectæ sui ab-  
negationis & crucis ama-  
torem eximium effecisti;  
concede, ut ejus imitatio-  
ni jugiter inhaerentes, glo-

riam assequamur æternam.  
Per Dominum.

IN II. NOCTURNO.

*Lectio iv.*

**J**oannes à Cruce Fonti-  
beri in Hispania piis  
Parentibus ortus, ab  
ipsa puerili ætate, quam  
magnus coram Domino  
futurus esset singulari Dei-  
paræ Virginis patrocinio  
non obicure præmonstra-  
tum est. Quare deinceps &  
illam impensius colere, cæ-  
teraque pietatis opera fre-  
quentius exercere cepit,  
pluri.

pluribus quotidie sacris  
eximia devotione mini-  
strans, necnon novas pro-  
prium affligendi corpus  
ad inventiones excogitans;  
siquidem novennis, relicto  
sibi parato molliori lecto,  
super nuda sarmenta cuba-  
re solebat. Grandior fa-  
ctus, in Hospitali Metinae  
Campi pauperibus, ac in-  
firmis insigni serviebat  
charitate. Verum ad altio-  
ra vocatus, ibidem in Con-  
ventu Sanctae Annae Carme-  
liticae Religioni nomen  
dedit, cujus tamen (obtentam  
Superioribus, post emis-  
sam professionem, licentia)  
severiolem Regulam  
semper observavit. Sacer-  
dos ex obedientia factus,  
tanti ministerii primitias  
maximo spiritus ardore  
auspicatus est.

*Resp.* Honestum fecit, &c.

*Lectio v.*

**J**Am Sacerdos, cum de  
virtute in virtutem pro-  
ficeret, sublimiorisque  
adhuc perfectionis cupidus  
esset, proposita ei fuit a San-

cta Virgine, & Matre Theresia,  
quam in mulieribus  
feliciter inceperat, & in  
viris summopere exopta-  
bat, Ordinis Reformationem  
quam amplexus, primus  
post ipsam Carmelitarum  
Discalceatorum Parentem esse  
meruit; innumeris simul  
cum illa pro eorumdem  
fundatione, & propaga-  
tione exanclatis, sed mira  
semper, & heroica fortitudi-  
ne superatis laboribus.  
Ingenti Divinae charitatis  
aestuabat ardore, sed non  
minori etiam prae lucebat  
humilitatis exemplo, &  
cum a Christo Domino se-  
mel interrogaretur, quid  
velleret pro laboribus; re-  
spondit: Domine, pati, &  
contemni pro te: sicut  
etiam semper ab eo postu-  
labat, ut non superior, sed  
subditus, & in loco, ubi  
prorsus esset ignotus, ut  
contigit, moreretur,

*Resp.* Amavit, &c.

*Lectio. vi.*

**Q**uamvis sacrae solitudinis  
peramantissimae



ritus esset; quæ tamen  
 verba vitæ æternæ, &  
 arcana Dei ibi in secreto  
 audiebat, proximis etiam  
 in manifesto eructare non  
 desinebat, quorum salutis  
 zelantissimus erat, tum  
 confessiones audiendo,  
 tum prædicationis munere  
 more Apostolico fungen-  
 do. Virginitatem perpetuo  
 coluit, & Sancta Virgo  
 Theresia testata pluries  
 fuit, eum inter puriores  
 animas fuisse, quas tunc  
 Deus in Ecclesiæ militantis  
 thesauro asservaret. Mulie-  
 res impudicas, à dæmone  
 suscitatas, & ad labefactan-  
 dam ejus pudicitiam mul-  
 toties immittas, nedum fu-  
 gavit, sed, quod rarum,  
 ad meliorem partem redu-  
 xit. Mirabili discretionis  
 spirituum dono excelluit,  
 nec non super dæmones  
 imperio, è quorum misera-  
 bili servitute aliquos libe-  
 ravit. Libros cælesti  
 sapientia refertos de mys-  
 tica Theologia conscripsit

admirabiles planè om-  
 nium judicio. Sic ergo po-  
 tens opere, & fermone,  
 Ecclesiasticis, munitus  
 Sacramentis, die, & hora, à  
 se præsignatis, Crucifixi  
 pedes tenerrimè deoscu-  
 lians, & in hæc verba erum-  
 pens: Domine, in manus  
 tuas commendo spiritum  
 meum; animam placidissi-  
 mè exhalavit Ubedæ  
 anno salutis millesimo  
 quingentesimo nonage-  
 simo primo. Morientem  
 ignitus globus splendi-  
 dissimus excepit, suavissi-  
 musque odor è corpore  
 emanavit, quod Segobiæ  
 honorificè colitur. Eum  
 miraculis, tam antè, quam  
 post obitum clarum,  
 Benedictus Decimus tertius  
 Pontifex Maximus solemi-  
 ni ritu in Sanctorum nu-  
 merum abscripsit.

*Resp.* Ilte homo, &c.

*Missæ: Os justus; pro  
 Conf. non Pont. cum Ora-  
 tione de Officio.*

(P) (S) X (P) (S)  
 (P) X (S)

HISPA

## HISPANIARVM

**A**D pias Serenissimi Regis Catholici preces Sanctissimi  
 mo D. N. CLEMENTI Papa XII. pro extensione  
 officii, & Missæ S. Joannis à Cruce porrectas, & à San-  
 ctitate Sua ad Sac. Rituum Congregationem remissas, at-  
 que ab Eminentissimo, & Reverendissimo D. Cardinale  
 P. F. Nicolao à Jesu Maria Ordinis Carmelitarum Ex-  
 calceator. Congregationis Hispaniæ Procureatore Generali  
 dictum Officium cum suprascriptis Oratione, & Lectio-  
 nibus Secundi Nocturni propriis in cunctis Regnis, ac Do-  
 miniis ipsi Serenissimo Regi Catholico subjectis ab omni-  
 bus tam secularibus quam Regularibus utriusque Sexus  
 qui ad horas Canonicas tenentur, sub Ritu duplici de  
 Communi Confessoris non Pontificis pro die 24. Novem-  
 bris in posterum recitare, ac Missam respectivè celebrare  
 posse concessit, si Sanctissimo Domino Nostrò visum fue-  
 rit. Die 9. Maii 1733.

Factaque deinde per me Secretarium de prædicto  
 Sanctissimo D. N. relatione, Sanctitas Sua benignè at-  
 tenuit. Die 19. ejusdem mensis, & anni 1733.

A. F. Card. Zondodari Pro-Præf.

Loco ✠ Sigilli.

N. M. Thedesci Archiep. Apamensis  
 S. R. C. S.